

1930 йил
12 МАЙДАН
ЧИҚА
БОШЛАГАН



ЎЗБЕКИСТОН РЕСПУБЛИКАСИ ИИБ НАШРИ

№№ 31—32 (2672—2673)
1994 йил, 29 АПРЕЛЬ.
СОТУВДА ЭРКИН НАРХДА.

МАРОҚЛИ УЧРАШУВ

Ички ишлар ходимларининг нафақат касбий ва жисмоний маҳоратларини, балки уларнинг маданий-маърифий савиясини ошириш ҳам бугунги кунда муҳим аҳамиятга эга. Шу боис Ички ишлар вазирлигида ҳар душанба кунини маърифат соати ўтказиб борилмоқда. Унинг мароқли ва мазмунли ўтишини таъминлаш учун республикамизнинг таниқли адиблари, олим ва санъаткорлари тез-тез таклиф қилинадилар.

Навбатдаги маърифат соатида Ўзбекистон Республикаси Олий кенгаши маданият ва маданий меросни асраш қўмитасининг раиси, Ўзбекистон халқ ёзувчиси, Республика халқ депутати Пиримқул Қодиров ҳамда Ҳамза номидаги Ўзбекистон Давлат академик драма театри раҳбари, Халқ артисти Ёқуб Аҳмедовлар қатнашдилар.

Севимли адибимиз Пиримқул Қодиров маърифат ва маърифатли кишилар ҳақида, шунингдек ўз тарихий асарлари қаҳрамонлари, уларнинг яратилиш тарихи хусусида қисқача гапириб берди. Ёқуб Аҳмедов эса кишиларнинг маърифатли ҳамда маънавий баркамол бўлишида шеърини асарларининг аҳамияти ҳақида сўзлаб, Бобур рубоийларидан намуналар ўқиди, Пиримқул Қодиров асари асосида тайёрланаётган спектаклдан бир лавҳа ижро этди.

Ш. РЎЗИЕВ
ИИБ Матбуот маркази ходими.



• Қорақалпоғистон Республикаси Амударё тумани ИИБ ДАН ходимлари йўл ҳаракати хавфсизлигини таъминлаш борасида қатор тадбирларни амалга оширмоқдалар.

Суратда: Туман ИИБ ДАН катта нозирини, милиция кичик лейтенанти Бахтиёр Нажимов ҳайдовчининг ҳужжатларини назоратдан ўтказмоқда.

Ҳолмурод ЖАББОРОВ олган сурат.

ЯНГИЧА ЁНДАШИЛДИ

Хоразм вилояти ички ишлар бошқармаси профилактика хизмати ва Урганч шаҳар ички ишлар бўлими вояга етмаганлар билан ишлаш назорати ходимлари ҳамкорлигида вилоят марказида рейд ўтказилди. Рейд мақсади юқори синф ўқувчиларига жиноят ва таъмурий мажмуаларнинг моддалари тўғрисида тушунча бериш эди.

Рейд учрашувлари давомида жиноят ишлари ва таъмурий жавобгарликлар тўғрисида аниқ мисоллар кўрсатилди.

Рейднинг амалга ошириш пайтида Урганч шаҳрининг 25 та мактабига борилиб, жами ўн бир минг нафар ўқувчи билан тушунтириш ишлари олиб борилди. Машгулотлар олдин маъруза ўқиш услубида ташкил этилар, лекин бунда кўзланган мақсадга тўла эришиб бўлмас эди.

Шунинг учун Гайдар ва Бобур номи мактабларда тажриба тариқасида "Ўсмир ва қонун" мавзусида баҳс ўтказишга қарор қилинди. Баҳс саволлари ички ишлар ходимлари ва педагоглар томонидан тайёрланди,

жавобларни эса ўқувчилар излашди. Бундай баҳслар ўсмирларнинг ҳуқуқий жиҳатдан билимларини оширишда амалда қўллаб келинган услублардан имконияти катта эканлигини кўрсатди. Энг асосийси, юқори синф ўқувчилари ўзларининг ҳар бир ҳаракатига қонуний нуқтани назардан баҳо бера олишларига эришилди. Энди баҳслар мактаблараро юқори синф ўқувчилари ўртасида вилоят бўйича ўтказилади.

Ш. ИБРОҲИМОВ,
вилоят ИИБ ЖООб бошлиғи,
милиция майори.

ВАЗИЯТ-ВАРИҚАРОР

БИРИНЧИ ЧОРАК ЯҚУНЛАРИ

МИЛИЦИЯ ходимлари томонидан ўтказилган тадбирлар ҳақидаги ғоятда мароқли хабарлар ҳам жиноятчиликнинг аҳволи ва унга қарши кураш натижаларига берилган ҳолис баҳонинг ўрнини боса олмайди. Тошкентда бу борадаги тезкор вазият қандай аҳволда? Биз Тошкент шаҳар ИИББ бошлиғининг биринчи муовини, милиция полковниги Т. ХУДОЙБЕРГАНОВАга аниқ шундай савол билан мурожаат этдик. У шундай деб жавоб берди.

— Яқинда биз пойтахт ички ишлар идораларининг 1994 йил биринчи чорагидаги фаолиятига яқун чиқардик. Тезкор вазият барқарор бўлиб, жиноий ҳатти-ҳаракатларнинг содир этилиши эса камайиб бормоқда. Агар ўтган йилнинг шунга монанд кўрсаткичлари билан таққослайдиган бўлсак, милиция барча хизматлари томонидан рўйхатга олинган жиноятларнинг умумий миқдори 15,5 фоизга камайган. Жиноят-қидирув хизмати тааллуқли бўлган жиноятлар 1,8 фоиз, шу жумладан оғир жиноятлар 7,5 фоиз озаётган.

Қотилликлар, оғир тан жароҳати етказишлар камайиб бормоқда, босқинчиликлар, талон-торож қилишлар, давлат ва фуқароларнинг мол-мулкнини ўғирлашлар озаётди.

Автомобилларни олиб қочиш билан шугулланган бир неча жиноий гуруҳ тугатилганидан сўнг Тошкентда ана шу хил жиноят, айниқса жадаллик билан камаймоқда. Агар ўтган йили 1 апрелга қадар 156 автомобиль олиб қочилган бўлса, бу йил бор-йўғи саккизта ана шундай ҳодиса юз берган, уларнинг қарийб учдан бири тергов қилиб бўлинди ва материаллар судга оширилди.

Жамоат жойларида содир этилган жиноятлар миқдори 3,6

фоиз, кўчаларда юз берадиганлари 5,3 фоиз камайган.

Айни вақтда мастликда содир этилган жиноий ҳатти-ҳаракатларнинг ўсиши ва, айниқса, ўсмирлар жиноятчилигининг кўпайиши бизни ташвишга солмоқда: уч ой давомида ўсмирлар томонидан 261 жиноят содир этилган, бу эса ўтган йилги даражадан қарийб чорак баравар кўпдир.

Милиция ишининг самарадорлигига келсак, жиноят қидирувга тааллуқли жиноятларнинг очилиши 5,2 фоизга яхшиланди. Биринчи чорақда содир этилган жиноятларнинг ярмидан кўпроги аллақачон тергов қилиниб, судга оширилди. Ҳар юзта жиноятнинг 80 дан кўпроғида уларни содир этган шахслар излар босилмасдан туриб аниқланмоқда ва қўлга олинмоқда. Бу эса ишимиз тезкорлигининг анча юқори кўрсаткичидир.

Ўзбекистон пойтахтининг ички ишлар идоралари биринчи чорақда, умуман олганда, яхши ишладилар деб биламан. Жиноятчиликка қарши ҳужумкор фаолиятни давом эттириш учун куч-ғайратимиз етарли.

ТОШКЕНТ ШАҲАР ИИББ
МАТБУОТ ГУРУҲИ.

КАТТА ЭЪТИБОР

Шу йилнинг март ойида Сурхондарё вилояти ҳокимияти томонидан милиция участка вакилларининг хизмат фаолиятини жонлантириш мақсадида уларга молиявий ёрдам бериш ва бунга шаҳар, туман ҳокимларининг раҳбарлик эътиборларини кучайтириш тўғрисида қарор қабул қилди. Бу қарорда аввалги фаолияти тўхтаб қолган жамоат тартибини сақлаш таянч пунктлари, профилактика кенгашлари ишини тиклаш ёки қайта ташкил этиш, қишлоқ жойларида участка вакилларини хизмат ўловчи сифатида от билан таъминлаш, уларга хизмат хоналарини маҳалла қўмиталари жойлашган маскандан ажратиб бериш, мактаблар, ўқув

юртлари, техникумлар қошида вояга етмаганлар билан ишловчи нозирлар учун хизмат хоналари очиш, керакли анжомлар билан таъминлаш масалалари ва бу ишларни амалга ошириш бўйича шаҳар, туман ҳокимлари иш-тироқида комиссиялар тузилиши қайд этилган эди.

Ҳозирги кунда вилоятда мазкур қарор ижроси бўйича қизғин иш олиб борилмоқда ва дастлабки ютуқлар қўлга киритилмоқда.

Аҳоли ва меҳнат жамоалари милицияга ҳолисона ёрдам кўрсата бошладилар. Бу, албатта, жиноятчиликка қарши курашнинг тўғри йўлга қўйилаётгани натижасидир.

ЎЗ МУХБИРИМИЗ.

2-БЕТ
ҚАШҚАДАРЁ
ВИЛОЯТИ

БУГУНГИ СОНДА:

5-БЕТ
АДАБИЁТ
САҲИФАСИ

3-БЕТ
ҚОРА "ТУЛПОР"ДА
САЁХАТ

4-БЕТ
ТАБРИКЛАР
ЧАҚИРИЛМАГАН МЕҲМОН

7-БЕТ
ЗАНГОРИ
ЭКРАНДА

• Табриклаймиз! • Табриклаймиз! • Табриклаймиз!



БУХОРО вилояти ички ишлар бошқармаси профилактика хизмати бўлими бошлиғи, милиция полковниги, меҳрибон дадажонимиз, оиламиз

сардори **Исроил ТҶУХТАЕВ**ни 45 ёшга тўлганликлари муносабати билан самимий табриклаймиз.

У кишига узоқ умр, сihat-саломатлик, кўп йиллик машаққатли меҳнатлари эвазига орттирган обрўларининг янада зиёда бўлишини истаб қоламиз.

Эҳтиром билан умр йўлдоши ва фарзандлари.

МИРЗО! Улуғбек тумани ИИБ ЖКБ тезкор вакили, милиция лейтенанти **Ботир ХОЛИҚОВ**ни туғилган кунлари билан муборакбод этамиз.

Хурматли Ботиржон!



Сизни туғилган кунингиз билан чин қалбдан табриклаб, ҳаётда, хизматда, оилада муваффақиятлар тилаймиз. Севимли ишингизда ҳамма ҳавас қиладиган ходим

бўлинг. Ҳеч қачон руҳан тушкунликка тушманг, порлоқ келажак сари ишонч билан олға юринг.

Энг яхши истаклар билан умр йўлдошингиз ва яқинларингиз.

Ўзбекистон ИИБ Нақлиёт ички ишлар бошқармаси бошлиғи, милиция полковниги **Анвар Сотқунович БАДАЛБОВ**ни 3 май — таваллуд топган кунлари билан самимий қутлаймиз!

Хурматли Анвар Сотқунович!

Сизга узоқ умр, сермашаққат ва серташвиш ишларнигизда омад ва муваффақиятлар, оила



аъзоларингизга сihat-саломатлик, тотувлик тилаб қоламиз. Ҳамиша саломат бўлинг.

Нақлиёт ички ишлар бошқармаси шахсий таркиби.

Қилмишлари фош бўлди

ЯҚИНДА яна бир жиноий гуруҳнинг пайи қирқилди. Улар фуқароларнинг хонадонларидан мол-мулкларини ўғирлаш, автоуловларни олиб қочиш билан шуғулланиб келганлар. Дастлабки текширувдаёқ ушбу жиноий гуруҳ содир этган 27 жиноят фош этилди. Сирғали туманидаги гуруҳ макон курган хонадонлардан бир неча миллион сўм қийматидаги ўғирланган мол-мулклар топилди.

Энг афсусланарли томони шундаки, ушбу жиноий гуруҳга ёшлари эндигина 18-23 да бўлган еш-еш йигитлар бирлашган. Устига устак, ҳеч қаерда ишламайдилар, жамиятга, шунингдек, ўзларига ҳам фойдали бўлган бирор-бир ишнинг этагидан ҳам тутишмаган. Ўғирлик эса — жиноят. Кечагина оқ билан қоранинг фарқи борган ўсмирларнинг иккитаси аллақачон судланишга улгуришган.

Мустақил ҳаёт сари дастлабки қадамларини ёмон йўлга ташлаган бу йигитларни энди янада оғирроқ жазо кутмоқда.

А. ХАЛИЛОВ.

Тошкент шаҳар ИИББ матбуот хизмати ходими.

СУРАТЛАРДА: тергов бошқармаси ходимлари — милиция майори Музаффар Солиев (чапда) ва милиция катта лейтенанти Зокир Холмухаммедовлар ушбу гуруҳ томонидан ўғирланган буюмларни кўздан кечирмоқдалар; ўғирланган буюмлар.

Муаллиф олган суратлар.

Жиноят — анча кенг тушунча бўлишига қарамай, у ҳақда қисқача қилиб: маънавий инқироз натижаси дейиш мумкин. Чунки у ҳеч қачон яхши ахлоқ, яхши тарбиядан содир этилмайди. Биз ҳикоя қилмоқчи бўлган ушбу воқеа қаҳрамони ҳам худди шундай маънавий тубан шахс эди.

Василий Шуринов илгари ҳам оғир жиноятлар содир этгани учун икки марта судланиб, жазосини ўтаб қайтган эди. Бироқ, яхши отта бир қамчи, ёмон отта минг қамчи деганларидек, ўзига тегишли хулоса чиқариб ололмади: қайтадан гуноҳга қўл урди ва оғир жиноят содир этди — одам ўлдирди.

Воқеа аслида хурсандчилик билан бошланди. Василий соат 17 ларга яқин ишдан қайтди. Ушанда хотинининг туғилган кун эди. Байрам дастурхони атрофида ўтириб, иккаласи туғилган кунни нишонлаб, ича бошлашди. Орадан анча вақт ўтиб, соат 23 ларда эшик кўнгирағи жиринглади ва иккита меҳмон кириб келди. Уларнинг бири — Татьяна Василийнинг хотинига дўст эди. Улар ҳам ўзлари билан бир шиша ароқ келтиришган экан. Тўрталаси уни ҳам майдалашга тушди. Биласизки, ичимликнинг ози суҳбатни қовуштиради, кўпи эса бузади. Бу сафар ҳам шундай бўлди.

Татьяна билан келган меҳмон — Царегородцев мезбон Василий билан чиқишмай қолди. Икки қўчқорнинг боши барибир бир қозонда қайнаши қийин

экан-да. Меҳмон ўз қадр иззатини билмаган маданиятсизлардан чиқиб қолди. Орзидан боди кириб, шоди чиқаверди. Бу эса мезбоннинг нафсониятига оғир ботди. Қолаверса, унинг ўзи ҳам фаришталардан эмас эди. Икки ўртада сан-манга бориб қолишди. Шуринов анча ёшга бориб қолган

ЧАҚИРИЛМАГАН МЕҲМОН

бўлишига қарамай, ўзини босиб ололмаганди. Илгари икки марта қамалиб чиқиши ҳам уни фикрлаб иш юритишдан қисганидан далолат бериб турибди. Хуллас, жанжал ўртасида у стол устида турган ошпичоқни шарт олдию, меҳмоннинг кўкрагига гарчиллатиб ботирди...

Ҳаммаси шу билан якун топди-қўйди. Меҳмон кўп қон йўқотиш натижасида ҳалок бўлди. Довдираб қолган Татьяна эса уй эгалари уйдан қувиб солдилар. Унга ҳам баҳона топилмай турган эканми, ҳеч нарса бўлмагандай уйга жўнади.

Эру хотин бир лаҳза ўйга чўмиб қолишди. Ахир, одамнинг ўлиги бир челақ чиқиндимидики, ташлаб юбораверсанг. Улар буни нима қилишни билишмас эди.

Аксарият жиноятчилар қотиллик содир этиб бўлгач, ўз қурбонларини йўқотиш пайига тушиб қолишади. Бу

қилган ишнинг изларини ўчиришга уриниш билан бир қаторда ўз қурбони олдида даҳшатга тушиб қолиши ҳамдир.

Бизнинг “қаҳрамон”ларимиз ҳам худди шу кўйга тушиб қолишди. Уларнинг олдида катта муаммо — мурдани бир ёқлик қилиш масаласи турар эди. Аммо улар айримлар тутадиган тубан йўл — уни қандай қилиб бўлса ҳам йўқотишни танлашмади, балки ўликни судраб зинапоя майдончасига олиб чиқишди. Улар бундан нимани кўзлашгани бизга қоронғу.

Балки кимдир сезиб қолишидан чўчиб, дарҳол ичкарига қайтиб киришгандир, балки милиционерлар мантиқий фикр юритиб, қотилни бошқа жойдан қидиришади, деб ўйлашгандир. Ахир, жабрдийдани бу ерда ҳеч ким, ҳатто уларнинг ўзлари ва ҳатто, уни бу уйга бошлаб келган Татьянанинг ўзи ҳам танимас эди. Шу нуқтаи назардан, унинг бу уйда яшовчилардан қайси бириникига келганлиги номаълум ва ҳеч кимнинг унга нисбатан адовати йўқ. Худди шу нарсалар калаванинг учини йўқотишга хизмат қилиши лозим эди. Бироқ... Эрталаб уларни милиция ходимлари уйғотишди.

Яқинда суд ўз ҳукмини ўқиди. В. Шуринов 7 йил қаттиқ тартибли ахлоқ тузатиш колониясида жазони ўтайдиган бўлди.

Ўрмон ЭШОНХОНОВ,
Сирғали туман прокурори ўринбосари.
Жаббор ҒОЙИПОВ,
туман прокуратураси терговчиси.



